

কবি কামিনী রায় রচিত "সুখ" কবিতার মূলভাব

কবি কবিতায় বলেছেন নিজের স্বার্থ ও সুখের কথা সকল সময় না ভেবে পরের জন্য ভাবতে হবে। শুধুমাত্র নিজের সুখ চিন্তা করলে কখনোই সুখের ঠিকানা পাওয়া যাবে না। নিজের দুঃখ-কষ্ট ভুলে যদি অন্যের দুঃখ সামান্যতম দূর করা যায় তার থেকে বেশি সুখ আর কোনো কিছুতেই পাওয়া যাবে না। সকলের মুখ যদি হাসি ভরা থাকে তাহলে আমরা সকলেই সুখী থাকবো। পৃথিবীতে আমাদের জন্ম হয়েছে শুধুমাত্র নিজেকে নিয়ে ব্যস্ত থাকার জন্য নয়, অন্যের জন্য যদি আমরা একটু ভাবি তাহলে আমাদের জীবন ধন্য ও সার্থক হবে।

১.. হৃদয়ভার কখন বাড়বে?

আমরা যদি সকল সময় সুখ সুখ করে কাঁদি আর সুখের কথা চিন্তা করি তবে হৃদয়ভার বাড়বে।

২. কিভাবে প্রত্যেকে আমরা পরের তরে হতে পারব?

শুধুমাত্র নিজেকে নিয়ে বিব্রত না থেকে অপরের কথা ভাবার মধ্যে দিয়ে প্রত্যেকে আমরা পরের তরে হতে পারব।

৩. "অবনী" কথার অর্থ কি সেখানে আমরা কেন এসেছি?

অবনী কথার অর্থ পৃথিবী।

সেখানে আমরা শুধু নিজের স্বার্থসিদ্ধির জন্য আসিনি। অন্যের দুঃখ কষ্ট ভাগ করে নেওয়ার জন্য জন্মেছি।

৪. নয়ন ধার কথার অর্থ কী?

নয়ন তার কথার অর্থ চোখের জল।

৫. কামিনী রায়ের লেখা দুটি কাব্যগ্রন্থের নাম লেখো

"দীপ ও ধূপ" "নির্মাল্য" "পৌরাণিকী"